



VI Concursu de Monólogos “Pepe Campo” d’Humanitarios de Samartín.

La Sociedá Humanitarios de Samartín de Morea (Ayer) convoca’l Sestu Concursu de Monólogos en collaboración cola Consejería de Cultura del Gobiernu d’Asturies, que tendrá que s’axustar a les bases que vienen darréu:

Puen participar toles persones interesaes, col númeru de trabayos que-yos pete. El ganador/a de la cabera edición nun podrá presentase nésta.

Premiaráse con 600 €aquél monólogu, ensin asoleyar qu’a xuiciu del xuráu presente más valir lliterariu. El premiu podrá repartise o quedar ermu. L’actu d’entrega del Premiu va formar parte de los actos inxeríos dientro les III Xornaes Culturales dedicaes a l’alcordanza de Joaquín Rodríguez Muñiz, que se cèlebrarán na selmana del 18 al 22 de mayu del 2009.

El monólogu tendrá que tratar d’un tema d’actualidá social, política y cultural.

La obra podrá ser en versu o prosa; tendrá que tar en Llingua Asturiana y valorarásela la correición llingüística y gramatical, asina como’l so caráuter normalizador del idioma.

El llargor de los trabayos tendrá de ser d’un máximu de cuatro folios, en prosa o ente 150 y 200 versos

El plazu d’entrega de los monólogos fina’l 30 d’abril de 2009 y tienen que se mandar a estes seños: HUMANITARIOS DE SAMARTÍN, apartáu correos 8, 33.670 – Morea (Ayer-Asturies). Cada trabayu tien que dir nun sobre zarráu, ensin remite, col orixinal y tres copies, y amás, dientro’l sobre habrá otru sobre onde se conseñen los datos del/a concursante.

El resultáu de la decisión del xuráu va notificáse-yos al autor – o autores - del trabayu premiáu.

La obra premiada tendrá que se lleer o interpretar nel actu d’entrega del premiu

Les obres premiaes son propiedá d’Humanitarios. Los monólogos non premiaos nun se van devolver. Sicasí, l’autor pue facer l’usu que considere más amañosu

El xuráu escoyeráse ente persones cualificaes. Un miembru de Los Humanitarios fadrá de secretariu, con voz y votu. Les decisiones del xuráu nun se puen retrucar.

El participar nesti concursu lleva inxerío acéutar dafechamente les bases d’esta convocatoria.

En Morea, a 9 díes andaos del mes de marzu de 2009.